

SLUŽBENI LIST

REPUBLIKE BOSNE I HERCEGOVINE



СЛУЖБЕНИ ЛИСТ

РЕПУБЛИКЕ БОСНЕ И ХЕРЦЕГОВИНЕ

Godina II - Broj 15

Četvrtak, 15. juli/srpanj 1993.
SARAJEVO

Za svaki broj posebno se
utvrđuje cijena
Žiro-račun 10100-603-1396

322

Na osnovu člana 125. alineja 2. Zakona o unutrašnjim poslovima - Prečišćeni tekst ("Službeni list SRBiH", broj 18/90 i "Službeni list RBiH", broj 14/92), Vlada Republike Bosne i Hercegovine, donosi

UREDBU

O UNIFORMI I POSEBNIM OZNAKAMA U POLICIJI

I - OPŠTE ODREDBE

Član 1.

Ovom uredbom ureduju se vrste, zajednički i dopunski dijelovi uniforme u policiji, boja i materijal od kojeg se izrađuje uniforma i posebne oznake koje se nose u policiji Ministarstva unutrašnjih poslova Republike Bosne i Hercegovine (u daljem tekstu: Mjinstarstvo)

II - VRSTA, BOJA I MATERIJAL UNIFORME

Član 2.

Uniforma u policiji je: zimska, ljetna, posebne, maskirna i svečana uniforma.

Član 3.

Zimska uniforma sastoji se od: vjetrovke sa odgovarajućim ulošcima, pantalona, mantila, kape, šapke, košulje dugih rukava, majice, džempera, šala, potkape, kravate, rukavica, čarapa dokoljenica, dubokih i terenskih cipela.

Za ženu policajca zimska uniforma sastoji se, pored dijelova, iz stava 1. ovog člana, i od suknje, suknja pantalona, zimskih hula-hop čarapa i ženskih čizama.

Član 4.

Ljetna uniforma sastoji se od: kratke jakne sa odgovarajućim ulošcima, pantalona, kape, šapke, košulje kratkih rukava, kravate, tankih čarapa i plitkih cipela.

Za ženu policajca ljetna uniforma sastoji se, pored dijelova iz stava 1. ovog člana, i od suknje, suknja pantalona, kravata-marama, hula-hop čarapa i ženskih plitkih cipela.

Član 5.

Posebne uniforme, u smislu ove uredbe, su uniforme za obavljanje poslova i zadataka na konjima (konjička), vazduhoplovu (pilotska), zimska bijela i uniforma za kontrolu i regulisanje saobraćaja na motociklu (motociklistička), a sastoje se osim pojedinih dijelova iz čl. 3. i 4. ove uredbe i od:

- 1) konjička - čakšira i konjičkih čizama,
- 2) pilotska - kombinezona, kape, jakne sa uloškom i uloškom za kragu i odijelo pilota,

3) zimska bijela - jakne sa kapuljačom, odgovarajućom mrežom, alpinističkim pojasom i elementima jurišnog prsluka, te pantalona i posebnih čizama,

4) uniforma za kontrolu i regulisanje saobraćaja na motociklu - jakne, pantalona, majica sa rol kragom, rukavica sa narukavljem, kaciga i motociklističke čizme.

Član 6.

Maskirna uniforma sastoji se od: jakne sa odgovarajućim uloškom, košulje kratkih i dugih rukava, džempera, majice kratkih rukava, pantalona sa odgovarajućim uloškom, kombinezonom sa odgovarajućim uloškom, jurišnog prsluka, kape, opasača i posebnih čizama.

Član 7.

Svečana uniforma sastoji se od: bluze, pantalona, šapke, košulja dugih i kratkih rukava, svečanog opasača (ešarpe), rukavica i cipela.

Svečana uniforma za policajku, pored dijelova iz stava 1. ovog člana sastoji se od: suknje i cipela sa odgovarajućom potpeticom.

Svečana uniforma pilota sastoji se od odijela iz člana 5. tačke 2. ove uredbe.

Član 8.

Zajednički dijelovi uniforme iz čl. 3. i 4. ove uredbe su: kaiš za pantalone, suknju i suknju-pantalone, opasač sa futrolom za pištolj, palicu, bateriju, lisice, municiju i radio stanicu, kišna jakna sa odgovarajućim uloškom i kišne pantalone, igla za kravatu i pletenice za šapku i kapu.

Član 9.

Policajcima za vršenje određenih poslova i zadataka, dodjeljuju se i odgovarajući dopunski dijelovi uniforme.

Dopunski dijelovi uniforme, u smislu stava 1. ovog člana, su: stražarska bunda, stražarske čizme, stražarske rukavice, radni kombinezon, gumene čizme, mamuze, ranac, torbica za vršenje patrolne ili druge djelatnosti, šljem sa i bez zaštitnog vizira, poveska dežurnog, navlaka za čin maskirne uniforme, kićanke i pletenice i pištaljke.

Član 10.

Ministar unutrašnjih poslova (u daljem tekstu: ministar) rješenjem određuje od kojih će se pojedinih, zajedničkih, odnosno dopunskih dijelova uniforme sastojati uniforma u policiji, koja nije obuhvaćena ovom uredbom.

Član 11.

Ministar rješenjem određuje poslove i zadatke za čije izvršavanje se dodjeljuju uniforme, koja vrsta uniforme, zajednički, dopunski, odnosno drugi dijelovi uniforme.

Član 12.

Boje uniformi, sastavnih i dopunskih dijelova uniformi su:

1) tamnoplava - vjetrovka, kratka jakna, mantil, pantalone zimске i ljetne uniforme, suknja, suknja-pantalone, kišna jakna i kišne pantalone, čakšire, motociklistička uniforma osim rukavica i čizama, kravata, kravata-marama, kapa, šapka, šljem, podloga za činove i ambleme, odgovarajući ulošci izuzev uloška pilotske jakne džemper, šal, podkapa, radni kombinezon, rukavice izuzev rukavica za motociklističku i svečanu uniformu, tanke čarape, dokoljenice hula-hop čarape zimске uniforme, svečana uniforma, pilotsko odijelo, lampas na pantalonama ljetne uniforme bez boje i jurišni prsluk,

2) svijetlo sivo-plava - košulja dugih i kratkih rukava, majica sa rol kragom i lampas na tamno plavim pantalonama,

3) bez - košulja kratkih rukava, pantalone, suknja i pantolona-suknja ljetne uniforme, lampas na tamno plavim pantolonama ljetne uniforme,

4) bijela - majica zimске uniforme, košulja i rukavice svečane i pilotske uniforme, zimska bijela uniforma, rukavice i lampas na pantalonama motociklističke uniforme i hula-hop čarape ljetne uniforme,

5) crna - šilt na šapki, traka na kapi i šapki policajca do čina potporučnika, kaiš, opasač sa futrolama, cipele, čizme izuzev čizama zimске bijele uniforme, stražarske rukavice, torbica za vršenje patrolne ili druge djelatnosti,

6) kombinacija zelene, smeđe i crne - maskirna uniforma osim čizama,

7) smeđa - kratka jakna pilotske uniforme sa uloškom i kragom i čizme maskirne uniforme,

8) maslinasto-zelena - kombinezon, kapa pilotske uniforme, stražarska bunda i ranac,

9) žuta - traka na kapi i šapki i šiltu šapke za policajce od čina potporučnika do čina majora,

10) zlatno-žuta - pletenice na kapi i šapki za policajce od čina majora, ministra, njegovog zamjenika i rukovodeće radnike, vijenac na šiltu za generale policije, ministra, njegovog zamjenika i rukovodeće radnike, igla za kravatu, ukrasna dugmad, lampas na pantalonama i suknji, svečani opasač i kičanka na svečanoj uniformi, ploča sa ličnim imenom i broj policijske stanice.

Traka na šiltu iz tačke 10. stav 1. ovog člana za polovinu je šira od trake iz tačke 9. stav 1. ovog člana.

Pojedini, zajednički odnosno dopunski dijelovi uniforme koji nisu obuhvaćeni stavom 1. ovog člana izrađuju se u koji koju odredi ministar.

Član 13.

Pojedini, zajednički odnosno dopunski dijelovi uniforme izrađeni su od:

1) kamgarna - pantalone, suknja, suknja-pantalone, kapa, oznaka na kapi i šapka zimске uniforme, čakšire, podloga za činove i ambleme i navlaka za čin na maskirnoj uniformi,

2) polukamgarna (gabardena) - mantil,

3) tergala - pantalone, suknja, suknja-pantalone, kapa, oznaka na kapi i šapka ljetne uniforme, čakšire, bluza, pantalone i šapka-svečane uniforme,

4) platna - kombinezon i kapa pilotske uniforme, zimska bijela uniforma osim posebnih čizama, radni kombinezon i ranac,

5) prirodno laganog platna - ljetna uniforma bez boje,

6) pamuka - majice, tanke čarape,

7) lana - košulja kratkih rukava, opasač maskirne uniforme, i podloga za ešarpu,

8) pamučno-sintetičke tkanine - košulje zimске i svečane uniforme, kratka jakna, jakne, košulje, pantalone, kombinezon i kapa maskirne uniforme, bijela zimska uniforma osim čizama,

9) sintetičke tkanine - ulošci i postave uniforme, hula-hop čarape ljetne uniforme, vez ešarpe, oznaka, kičanka, pletenice i jurišni prsluk,

10) vještačke svile - kravate, kravata-marama i rukavice svečane uniforme,

11) kože - vjetrovka i rukavice zimске uniforme, jakna pilotske uniforme, motociklistička uniforma osim kacige, kaiš, opasač sa futrolama, cipele i čizme i torbice za vršenje patrolne ili druge djelatnosti,

12) prirodnog krzna - uložak za vindjakne, uložak pilotske jakne sa kragom i postava stražarske bunde,

13) vještačkog krzna - uložak za kratku jaknu,

14) vune - čarape, dokoljenice i hula-hop čarape zimске uniforme,

15) vuneno-sintetičke tkanine - džemper, šal i podkapa,

16) impregnirano-vodoodbojnog platna - kišna jakna i kišne pantalone, stražarska bunda i stražarske rukavice,

17) gume - gumene čizme,

18) metala - oznaka na šapki, igla za kravatu, ploča sa ličnim imenom, broj policijske stanice, ukrasna dugmad, toke na ešarpi, kaišu i opasaču, mamuze i pištaljka,

19) odgovarajuće plastike - kaciga, šilt šapke, traka na kapi i šapki iz člana 12. stav 1. tač. 5. i 9. ove uredbe i šljem.

Član 14.

Ovlašćuje se ministar da donese Uputstvo o obliku (kroju), izradi i nošenju uniforme i rokovima njihovog trajanja.

III - POSEBNE OZNAKE U POLICIJI

Član 15.

U policiji na uniformi nose se posebne oznake i to:

1) amblem policije,

2) pločica sa ličnim imenom policajca i nazivom funkcije, odnosno poslova koje obavlja,

3) broj policijske stanice,

4) amblem regije,

5) amblem poslova i zadataka (rodova) policije i

6) značka.

Član 16.

Amblem policije našiven je na gornjoj polovini lijevog rukava štitastog je oblika, tamno plave boje, visine 110 milimetara i širine 90 milimetara, čiji se gornji dio završava pod uglom od 120 stepeni. Amblem je oivičen sa unutrašnje strane izvezenom trakom zlatno-žute boje širine pet milimetara. U sredini gornjeg dijela amblema nalazi se izvezen broj policijske stanice bijele boje u visini od šest mm, ispod koga se nalazi u polukrugu izvezen natpis "POLICIJA" bijele boje i čija su slova visine 17,3 milimetra, ispod koga se nalazi horizontalno u dva reda izvezen natpis "REPUBLIKA BOSNA I HERCEGOVINA" zlatno-žute boje i čija su slova visine pet mm, a ispod tog natpisa nalazi se izvezen grb Republike Bosne i Hercegovine, propisanih boja, visine 40 milimetara i širine 30 milimetara.

Prikaz amblema policije dat je u prilogu ove uredbe i čini njen sastavni dio (Obrazac broj 1).

Pločica sa ličnim imenom policajca i nazivom funkcije, odnosno posla koji obavlja nosi se iznad klapne desnog džepa, izrađena je od mesinga, pravougaonog oblika dužine 75 milimetara i širine 30 milimetara. Slova ličnog imena su izgravirana, njihova visina je sedam milimetara i širine pet milimetara, a slova funkcije odnosno posla koji policajac obavlja, a koji se nalazi ispod ličnog imena, izgravirana su i njihova visina je pet milimetara, a širina četiri milimetra.

Prikaz pločice dat je u prilogu ove uredbe i čini njen sastavni dio (Obrazac broj 2).

Broj policijske stanice nosi se na uglovima kragne košulje, izrađen je od mesinga, visine 10 milimetara i širine šest milimetara. Broj policijske stanice sastoji se od tri broja, a taj broj rješenjem stanici određuje ministar.

Prikaz broja policijske stanice dat je u prilogu ove uredbe i čini njen sastavni dio (Obrazac broj 3).

Amblem regije našiven je na gornjoj polovini desnog rukava, petougaonog je oblika, tamno plave boje, visine 38 milime-

tara, širine 90 milimetara na najudaljenijim krajevima, a 80 milimetara na bližim krajevima i oivičen je sa unutrašnje strane izvezenom trakom zlatno-žute boje širine pet milimetara. U sredini gornjeg dijela amblema nalazi se izvezen broj policijske stanice bijele boje u visini od šest milimetara, a ispod koga se nalazi horizontalno izvezen natpis "CSB" (naziv mjesta)

bijele boje, čija su slova visine pet milimetara, a ispod toga nalazi se horizontalno izvezen natpis "SJB" (naziv mjesta)

zlatno-žute boje, čija su slova osam milimetara. Regija obuhvata područje centra službi bezbjednosti.

Prikaz amblema regije dat je u prilogu ove uredbe i čini njen sastavni dio (Obrazac broj 4).

Amblem roda policije je osmougaoanog oblika u čijoj sredini se nalazi simbol roda. Kada se nosi na uniformi amblem roda je zlatno-žute boje promjera 50 milimetara i našiven je ispod amblema regije i to u sredini polja štitastog oblika, tamno-plave boje, visine 90 milimetara i širine 80 milimetara, čija se gornja stranica završava u polukrugu. Amblem je oivičen sa unutrašnje strane izvezenom trakom zlatno-žute boje, širine pet milimetara. U gornjem dijelu štitastog polja nalazi se u polukrugu izvezen natpis "POLICIJA" bijele boje, čija su slova visine 16 milimetara.

Prikaz amblema u štitastom polju dat je u prilogu ove uredbe i čini njen sastavni dio (Obrazac broj 5).

Kao značka koristi se posebna oznaka utvrđena propisom o obrascima službene legitimacije i posebnoj oznaci i nosi se iznad klapne gornjeg lijevog džepa i na šapki, dok se na kapi nosi ušivena aplikacija te značke izgleda i oblika identičnog kao metalna značka.

Na amblemima natpis "POLICIJA" izrađuje se slovima Fujiyama - Extra bold, natpis "REPUBLIKA BOSNA I HERCEGOVINA" slovima France bold, natpis "SJB" (naziv mjesta)

i broj policijske stanice slovima France normal, natpis "CSB" (naziv mjesta) slovima Switzerland normal bold

i natpis na pločici iz člana 15. tačka 2. ove uredbe slovima Switzerland normal.

Izuzetno, ministar može rješenjem promijeniti pojedine oznake propisane ovom uredbom, kao i njihov izgled, oblik i sadržinu.

IV - PRELAZNE I ZAVRŠNE ODREDBE

Član 17.

Pojedini, zajednički odnosno dopunski dijelovi uniforme propisani ovom uredbom pripadaju policajcima po isteku propisanog vremena trajanja za uniformu.

Član 18.

Danom stupanja na snagu ove uredbe prestaje da važi Uredba o uniformi, zvanjima i oznakama u miliciji ("Službeni list SRBiH", broj 14/86).

Član 19.

Ova uredba stupa na snagu danom objavljivanja u "Službenom listu RBiH".

V broj 153/93
5. juna 1993. godine
Sarajevo

Potpredsjednik
Vlade RBiH,
mr Hadžo Efendić, s. r.



Obrazac broj 1

IME I PREZIME

FUNKCIJA - POSLOVI

Obrazac broj 2

000

Obrazac broj 3



Obrazac broj 4.



SPECIJALNA

POMORSKO
RIJEČNA

KONJIČKA

SAOBRAĆAJNA
CESTOVNAVAZDUHOPLOVNA
ZRAKOPLOVNA

POGRANIČNA

POLICIJA
I OSTALO

Obrazac broj 5

323

Na osnovu člana 125. alineja 3. Zakona o unutrašnjim poslovima - Prečišćeni tekst ("Službeni list SR BiH", broj 18/90 i "Službeni list RBiH", broj 14/92), Vlada Republike Bosne i Hercegovine, donosi

UREDBU

O ČINOVIMA, USLOVIMA ZA STICANJE ČINOVA I
OZNAKAMA ČINOVA U POLICIJI

I - OPŠTA ODREDBA

Član 1.

Ovom uredbom utvrđuju se činovi, uslovi i način sticanja činova, oznaka činova u Policiji Ministarstva unutrašnjih poslova Republike Bosne i Hercegovine (u daljem tekstu: Ministarstvo).

U Ministarstvu činovi se mogu utvrditi i za druge poslove i zadatke, o čemu odlučuje ministar unutrašnjih poslova (u daljem tekstu: ministar).

Uslovi i način sticanja činova i oznaka činova propisanih ovom uredbom shodno se primjenjuju i na slučajeve iz stava 2. ovog člana.

Član 2.

Ministar, zamjenik ministra i rukovodeći radnici u Ministarstvu imaju oznake funkcija propisane ovom uredbom.

II - ČINOVI U POLICIJI

Član 3.

Činovi u policiji Ministarstva su: policajac, narednik, nadnarednik, glavni narednik, zastavnik, nadzastavnik, potporučnik, poručnik, kapetan, major, potpukovnik, pukovnik i general.

Član 4.

Činovi za radnike policije (u daljem tekstu: policajac) utvrđuju se prema stepenu stručne spremlje i to sa:

- a) srednjom stručnom spremom:
 - policajac
 - narednik

- nadnarednik
- glavni narednik
- b) višom stručnom spremom:
 - zastavnik
 - nadzastavnik
 - potporučnik
- c) visokom stručnom spremom:
 - poručnik
 - kapetan
 - major
 - potpukovnik
 - pukovnik
 - general

Radniku koji je zasnovao radni odnos u policiji Ministarstva određuje se najniži čin koji mu pripada na poslovima i zadacima na koje je raspoređen, a ukoliko je ranije obavljao poslove i zadatke u policiji određuje mu se čin koji mu pripada na poslovima i zadacima na koje je raspoređen, uz priznavanje efektivnog radnog staža kojeg je prethodno imao u policiji.

Policajcu koji stekne neposredno višu stručnu spremu i bude raspoređen na poslove i zadatke na kojima je uslov ta sprema, određuje se najniži čin u toj spremi ili zadržava čin koji ima ukoliko je to za njega povoljnije. Ukoliko se policajac ne može rasporediti na poslove i zadatke neposredno više stručne spremlje zadržava čin koji ima.

III - USLOVI ZA STICANJE ČINOVA

Član 5.

Pored uslova utvrđenih za vršenje poslova i zadataka, propisanih aktom o unutrašnjoj organizaciji Ministarstva, odnosno ukoliko potrebno radno mjesto nije popunjeno, neposredno viši čin policajac može sticati pod sljedećim uslovima:

- da je u prethodnom činu proveo najmanje šest godina u srednjoj stručnoj spremi, osam godina u višoj stručnoj spremi ili pet godina u visokoj stručnoj spremi,
- da je položio ispit za sticanje višeg čina,
- da je njegov rad u prethodnom činu ocijenjen najmanje ocjenom "dobar", odnosno u posljednje dvije godine ocijenjen ocjenom "odličan",
- da u toku posljednje dvije godine nije učinio težu povredu radne dužnosti,
- ako je ocijenjeno da sa uspjehom može izvršavati predviđene poslove i zadatke.

Član 6.

Ako se u trenutku ispunjenja uslova za sticanje neposredno višeg čina protiv policajca vodi disciplinski postupak za težu povredu radne dužnosti, sticanje čina odlaže se do okončanja disciplinskog postupka.

Član 7.

Pored uslova propisanih u članu 5. ove uredbe policajci koji trebaju da steknu čin potporučnika u okviru više stručne spremlje i sve činove u okviru visoke stručne spremlje moraju sačiniti stručni rad iz oblasti u kojoj izvršavaju poslove i zadatke, a kojeg će ocijeniti rukovodeći radnik nadležne organizacione jedinice Ministarstva u sjedištu.

Član 8.

Izuzetno policajac može steći neposredno viši čin bez obzira ako za to ne ispunjava uslove propisane ovom uredbom, ako je dugogodišnjim radom u policiji doprinio razvoju policije ili ako je učinio djelo od posebnog značaja za policiju.

Policajci koji prilikom ratnog stanja u obavljanju poslova i zadataka ili u borbi pokažu izuzetnu hrabrost ili sposobnost za rukovođenje i komandovanje ili ako steknu odgovarajuće ratne zasluge, mogu biti unaprijeđeni u neposredno viši čin bez obzira na usluge za sticanje činova propisanih ovom uredbom.

Ministar će propisati za koja djela i doprinosi u Policiji i pod kojim uslovima se mogu dodjeljivati neposredno viši činovi iz st. 1. i 2. ovog člana.

Član 9.

Policijci mogu sticati činove i to u:

- stanicama javne bezbjednosti (u daljem tekstu: stanica) treće kategorije zaključno sa činom zastavnika u višoj stručnoj spremi i poručnika u visokoj stručnoj spremi,
- stanicama druge kategorije zaključno sa činom nadzastavnika u višoj stručnoj spremi i kapetana u visokoj stručnoj spremi,
- stanicama prve kategorije zaključno sa činom poručnika u višoj stručnoj spremi i majora u visokoj stručnoj spremi,
- centrima službi bezbjednosti (u daljem tekstu: centar) zaključno sa činom potpukovnika u visokoj stručnoj spremi.

Kategorije iz stava 1. ovog člana kao i raspon činova koji se mogu određivati za pojedine poslove rješenjem utvrđuje ministar.

Član 10.

Policijci ne mogu imati viši čin od pretpostavljenog rukovodnog radnika.

IV - NAČIN STICANJA ČINOVA

Član 11.

Radi sticanja čina policajac podnosi pismeni zahtjev neposrednom rukovodnom radniku.

Pismeni zahtjev iz stava 1. ovog člana sadrži: lične podatke podnosioca, vrijeme provedeno u prethodnom činu, dužnosti koje je vršio, potrebne ocjene, radno mjesto na kojima je raspoređen, eventualno završene škole, odnosno kurseve i zahtjev da želi steći čin i koji čin.

Prijedlog za sticanje čina podnosi neposredno rukovodni radnik u pismenoj formi za svakog policajca posebno.

Prijedlog iz stava 3. ovog člana dostavlja se za stanice i Sekretarijat za unutrašnje poslove Sarajevo odgovarajućem Centru, a za radnike Centra i organizacionih jedinica u sjedištu Ministarstva odgovarajućoj osnovnoj organizacionoj jedinici i sadrži: lične podatke, dokaze da policajac ispunjava uslove za sticanje čina i obrazloženje prijedloga.

Član 12.

Načelnik Centra zajedno sa po liniji rada rukovodnim radnicima u Centru za radnike stanice i Sekretarijata za unutrašnje poslove Sarajevo, odnosno odgovarajući rukovodeći radnik u sjedištu Ministarstva sa odgovarajućim rukovodnim radnicima po liniji rada u sjedištu Ministarstva za ostale policajce, sagledava i procjenjuje osnovanost podnijetih zahtjeva za sticanje čina i potrebu popune odgovarajućih radnih mjesta utvrđenih Pravilnikom o unutrašnjoj organizaciji, koja su propisana za odgovarajuće činove, kao i druge okolnosti i uslove koji bi mogli uticati na sticanje čina. Nakon sagledavanja prijedloga i zahtjeva za sticanje čina radnici sačinjavaju pismeni prijedlog i isti, zajedno sa prijedlogom i zahtjevom za sticanje čina, dostavljaju odgovarajućoj osnovnoj organizacionoj jedinici Ministarstva u sjedištu.

Član 13.

Rješenje o određivanju, odnosno sticanju čina donosi ministar.

Policijci koji nisu zadovoljni rješenjem iz stava 1. ovog člana mogu podnijeti prigovor ministru u roku od 15 dana od dana uručenja rješenja.

Rješenje o prigovoru je konačno.

Član 14.

Ministar na prijedlog rukovodilaca osnovnih organizacionih jedinica Ministarstva rješenjem utvrđuje koliko se ukupno može činova dodijeliti u toku kalendarske godine.

V - ISPITI ZA STICANJE ČINOVA I OCJENJIVANJE

Član 15.

Ispit za sticanje čina iz člana 4. ove uredbe, polaže se pred ispitnom komisijom koju obrazuje ministar.

Program ispita za sticanje činova i način polaganja ispita propisuje ministar.

Član 16.

Radnik koji zasnjuje radni odnos putem javnog konkursa ili oglasa u Ministarstvu radi vršenja poslova i zadataka policije stiče drugi čin u odgovarajućoj stručnoj spremi.

Član 17.

Ocjenjivanje policajca vrši se na kraju svake kalendarske godine.

Ocjenjivanje policajca vrši se na osnovu sagledavanja njegovog odnosa prema obavezama da:

- a) stalno upotpunjava svoja stručna znanja i razvija svoje stručne sposobnosti radi uspješnijeg izvršavanja povjerenih mu poslova i zadataka;
- b) pokazuje samostalnost, samoinicijativnost, hrabrost i požrtvovanost i svojim radom doprinosi unapređivanju rada službe;
- c) svojom aktivnošću doprinosi jačanju službi bezbjednosti i zakonitosti i pravilnosti njihovog rada;
- d) svojim cjelokupnim ponašanjem i odnosima doprinosi ugledu službe u cjelini;
- e) savjesno i odgovorno se odnosi prema svojim radnim obavezama i sredstvima kojima rukuje i postiže dobre rezultate u ostvarivanju programskih zadataka.

U skladu sa stavom 1. ovog člana policajac se ocjenjuje jednom od ocjena: "odličan", "ističe se", "dobar", "zadovoljava" i "nezadovoljava".

Član 18.

Ako policajac nije u toku godine postigao potrebne rezultate, konstatovao se u upitniku za ispitivanje da nema dovoljno elemenata za davanje pozitivne ocjene o rezultatima rada i ta godina mu se neće računati za sticanje višeg čina.

Ako je policajac bio odsutan sa posla u toku godine duže od šest mjeseci, za tu godinu se ne ocjenjuje niti mu se ta godina računa za sticanje višeg čina, osim ako je bio odsutan zbog bolesti ili povrede zadobijene u vršenju ili u vezi sa vršenjem poslova i zadataka na koje je raspoređen.

Član 19.

Ocjenjivanje policajca vrši rukovodeći radnik odnosno rukovodni radnik osnovne organizacione jedinice u kojoj policajac vrši poslove i zadatke, a na prijedlog njegovog neposrednog rukovodioca.

Policijci koji su nezadovoljni ocjenom mogu podnijeti zahtjev za preispitivanje ocjene ministru u roku od 15 dana od dana saopštenja ocjene.

Ministar rješenjem odlučuje o zahtjevu iz stava 2. ovog člana po prethodno pribavljenom mišljenju stručne komisije koju obrazuje iz reda radnika odgovarajuće organizacione jedinice policije u roku od 30 dana od dana podnošenja zahtjeva.

Rješenje iz stava 3. ovog člana konačno je.

Član 20.

Ocjena policajca, kao i konstatacija da nema dovoljno elemenata za davanje pozitivne ocjene o rezultatima rada unose se u njegov personalni dosije.

VI - OZNAKE ČINOVA U POLICIJI

Član 21.

Oznake činova u policiji nose se na naramenicama, izuzev što se na maskirnoj uniformi nose na odgovarajućoj podlozi prišivenoj oko gornjeg dijela desnog rukava i pričvršćenog za naramenicu.

Član 22.

Oznake činova u policiji su za:

- policajca - kosa gređa i ljljan ispod gređe,
- narednika - dvije paralelne kose gređe i ljljan ispod gređe,
- nadnarednika - tri paralelne kose gređe i ljljan ispod gređe,

- glavnog narednika - četiri paralelne kose grede i ljiljan ispod greda,
- zastavnika - pet paralelnih kosih greda i ljiljan ispod greda,
- nadzastavnika - pet paralelnih kosih greda i po ljiljan ispod i iznad greda,
- podporučnika - kosa greda, ljiljan ispod grede i ispusak od egalizira,
- poručnika - dvije paralelne kose grede, ljiljan ispod greda i ispusak od egalizira,
- kapetana - tri paralelne kose grede, ljiljan ispod greda i ispusak od egalizira,
- majora - tri paralelne kose grede, po ljiljan ispod i iznad greda i ispusak od egalizira,
- podpukovnika - tri paralelne kose grede, ljiljan ispod i dva ljiljana iznad greda i ispusak od egalizira,
- pukovnika - tri paralelne kose grede, ljiljan ispod i tri ljiljana iznad greda i ispusak od egalizira i
- generala - dvije ukrštene grede, ljiljan ispod i četiri ljiljana iznad ukrštenih greda i ispusak od egalizira.

Prikaz oznaka činova propisanih u stavu 1. ovog člana odštampan je na kraju ove uredbe i čini njen sastavni dio (Prilog broj 1).

Član 23.

U Ministarstvu oznake funkcija su za:

- ministra - dvije paralelne kose grede, ljiljan ispod, tri ljiljana između greda, tri ljiljana iznad gornje grede i ispusak od egalizira,
- zamjenika ministra - dvije paralelne kose grede, ljiljan ispod, tri ljiljana između greda, dva ljiljana iznad gornje grede i ispusak od egalizira,
- podsekretara - dvije paralelne kose grede, ljiljan ispod, tri ljiljana između greda, ljiljan iznad gornje grede i ispusak od egalizira i
- pomoćnika ministra - dvije paralelne kose grede, ljiljan ispod, tri ljiljana između greda i ispusak od egalizira.

Prikaz oznaka funkcija propisanih u stavu 1. ovog člana dat je u prilogu ove uredbe i čini njen sastavni dio (Prilog broj 2).

Član 24.

Oznaka grede iz člana 22. stav 1. i člana 23. stav 1. ove uredbe uživaju se ukoso i to za lijevu naramenicu i podlogu za maskirnu uniformu s desna u lijevo, a za desnu naramenicu s

lijeva u desno, pod uglom od 36 stepeni u odnosu na ravan početka naramenice od kojeg je donji dio početka grede udaljen 20 mm, a od bočne bliže strane naramenice prema gredi 10 mm. Razmak između greda je 2 mm. Grede su zlatno žute boje širine 8,4 mm i dužine po svojoj osi 52 mm.

Oznaka ljiljana iz člana 22. stav 1. i člana 23. stav 1. ove uredbe su ispleteni, zlatno žute su boje i visine 15 mm i širine 12 mm. Ljiljani koji nalaze ispod grede učvršćuju se u donjem lijevom uglu naramenice koja se nalazi na lijevom ramenu, kao i na podlozi za maskirnu uniformu, odnosno u donjem desnom uglu naramenice koja se nalazi na desnom ramenu. Vanjski list ljiljana koji se nalazi u donjem dijelu naramenice udaljen je 12 mm od bliže stranice naramenice, a vanjski list ljiljana koji se nalaze između ili iznad greda udaljen je 8 mm od najbliže stranice naramenice, dok je svaki sljedeći vanjski list ljiljana udaljen 2 mm od vanjskog lista prethodnog ljiljana.

Ispusak od egalizira opšiva naramenicu, žute je boje i širine 3 mm izuzev egalizira za oznake od čina majora i funkcija koji je širine 6 mm.

Naramenica je duga 15 cm, širine u ravnom dijelu 6 cm, pri kraju širine 5,7 cm, a na kraju je završava pod ostrim uglom. Naramenice se na kraju pričvršćuju metalnim dugmetom žute boje - zlatno žute boje za oznake činova od majora i oznake funkcija.

VII - PRELAZNE I ZAVRŠNE ODREDBE

Član 25.

Policajcu na dan stupanja na snagu ove uredbe pripada odgovarajući čin koji se utvrđuje preračunavanjem radnog staža, a u skladu sa uslovima propisanim ovom uredbom.

Policajcu koji bi na dan stupanja na snagu ove uredbe imao viši čin od čina koji bi mu pripadao po odredbama ove uredbe određuje se viši čin.

Oznake činova propisanih ovom uredbom dodijeliće se policajcima u roku od tri mjeseca od dana stupanja na snagu ove uredbe.

Član 26.

Ova uredba stupa na snagu danom objavljivanja u "Službenom listu RBiH".


V broj 154/93
5. juna 1993. godine
Sarajevo

Potpredsjednik
Vlade RBiH,
mr Hadžo Efendić, s. r.

Prilog broj 1




NADZASTAVNIK ZASTAVNIK GL. NAREDNİK NADNAREDNİK NAREDNİK POLICAJAC




KAPETAN



PORUČNIK




PODPORUČNIK




PUKOVNIK



PODPUKOVNIK




MAJOR




BRIGADNI GENERAL

Prilog broj 2



MINISTAR



ZAMJENIK MINISTRA



POD MINISTAR



POMOĆNIK MINISTRA

324

Na osnovu člana 47. stav 2. Uredbe sa zakonskom snagom o ustanovama ("Službeni list RBiH", br. 6/92 i 8/93), Vlada Republike Bosne i Hercegovine, donosi

UREDBU

O UPISU U SUDSKI REGISTAR USTANOVA

I - OSNOVNE ODREDBE

Član 1.

Ovom uredbom propisuje se sadržaj prijave ustanove za upis u sudski registar, isprave i dokazi koji se prilažu uz prijavu i objavljivanje upisa i brisanje ustanova iz sudskog registra.

Član 2.

U sudski registar ustanova (u daljem tekstu: sudski registar) upisuju se ustanove koje obavljaju djelatnost obrazovanja, nauke, kulture, fizičke kulture, zdravstva, dječije zaštite, socijalne zaštite, socijalne sigurnosti i druge djelatnosti utvrđene zakonom.

U sudski registar upisuje se i dio ustanove koji ima određena ovlaštenja u pravnom prometu i poseban obračun rezultata poslovanja, kao i obavezni oblik udruživanja ustanova.

Član 3.

Sudski registar vodi viši sud na čijem je području sjedište ustanove (u daljem tekstu: registarski sud).

Član 4.

U sudski registar upisuju se osnivanje, organizovanje, statusne i druge promjene i prestanak ustanove odnosno dijela ustanove i obaveznog oblika udruživanja ustanova (u daljem tekstu: subjekt upisa).

U sudski registar upisuju se i drugi podaci o subjektu upisa koji su od značaja za vršenje pravnog prometa, i to: naziv i sjedište; skraćeni naziv; djelatnost; ovlaštenje i odgovornost ustanove u pravnom prometu; oblik svojine; naziv i sjedište osnivača; broj i datum akta o osnivanju; odgovornost osnivača za obaveze ustanove; naznaka statusa javne ustanove; broj i datum rješenja o ispunjenju propisanih uslova za obavljanje djelatnosti; podaci o upisu i brisanju ustanove iz posebnog registra; imena lica ovlaštenih za zastupanje i granice njihovih ovlaštenja i povjeravanje ustanovi javnih ovlaštenja iz djelokruga organa državne uprave.

U sudski registar upisuju se i podaci o drugim činjenicama koje su određene zakonom.

Član 5.

Prijava za upis u sudski registar sadrži podatke iz člana 4. st. 2. i 3. ove uredbe.

Podaci iz stava 1. ovog člana upisuju se na propisanom obrascu prijave, zavisno od predmeta upisa.

Član 6.

Prijavu za upis u sudski registar podnosi ovlašteno lice.

Uz prijavu za upis u sudski registar prilažu se isprave i dokazi predviđeni zakonom i ovom uredbom, zavisno od predmeta upisa.

Član 7.

Ako je aktom o osnivanju ustanove, odnosno ugovora, u skladu sa zakonom propisano davanje saglasnosti, odobrenja, uvjerenja, ovlaštenja, potvrde ili drugih odgovarajućih akata, uz prijavu za upis u sudski registar prilažu se i ti akti.

Ako je osnivač ustanove strano pravno lice, uz prijavu za upis u sudski registar podnosi se i dokaz da je strano pravno lice upisano u odgovarajući registar države čiju pripadnost ima, a fizičko strano lice podnosi dokaz kojim se utvrđuje njegov identitet.

Član 8.

Sudski registar sastoji se iz registarskih uložaka sa registarskim listovima (aktivni i pasivni dio).

Uz sudski registar vode se zbirke isprava, druge pomoćne knjige i evidencije, koje se uređuju posebnim propisom.

Sudski registar, pomoćne knjige i evidencije mogu se obradivati kompjuterom.

II - PRIJAVA ZA UPIS U SUDSKI REGISTAR USTANOVA

1. Prijava za upis u sudski registar osnivanja ustanove

Član 9.

Uz prijavu za upis u sudski registar osnivanja ustanove prilažu se:

1) akt ili ugovor o osnivanju ustanove sa naznakom oblika svojine, osim u slučaju kada je ustanova osnovana zakonom ili drugim propisom koji je objavljen u "Službenom listu RBiH";

2) dokaz da su obezbijedena sredstva za osnivanje i početak rada ustanove, osim u slučaju kada je zakonom ili drugim propisom koji donosi Skupština RBiH utvrđeno da se ta sredstva obezbjeđuju iz budžeta Republike Bosne i Hercegovine;

3) ovjeren potpis lica ovlaštenog za zastupanje ustanove sa granicama njegovih ovlaštenja;

4) rješenje nadležnog organa uprave koji vrši nadzor nad zakonitosti rada da ustanova ispunjava zakonom propisane uslove za početak obavljanja djelatnosti;

5) rješenje nadležnog organa uprave o upisu ustanove u poseban registar sa naznakom prava koje ustanova stiče upisom u taj registar, ako je zakonom propisano da ustanova stiče zakonom utvrđena prava upisom u posebni registar;

6) akt o povjeravanju ustanovi javnih ovlaštenja iz djelokruga organa državne uprave, ako to povjeravanje nije utvrđeno zakonom.

Uz akt o osnivanju javne ustanove čiji osnivač ili suosnivač nije Skupština Republike Bosne i Hercegovine, skupština opštine ili skupština gradske zajednice prilaže se odluka skupštine odgovarajuće društveno-političke zajednice o postojanju javnog interesa za osnivanje javne ustanove.

Član 10.

Ustanova iz člana 9. ove uredbe dužna je da registarskom sudu dostavi pravila ustanove i dokaz o imenovanju organa upravljanja i rukovođenja ustanovom, u roku od 15 dana od dana isteka roka predviđenog aktom o osnivanju, uz prijavu za upis promjene lica ovlaštenog za zastupanje.

Ako je osnivač ustanove subjekt upisa sa područja drugog suda, uz prijavu se prilaže izvod iz sudskog registra za tog osnivača.

2. Prijava za upis u sudski registar dijela ustanove

Član 11.

Ako je pravilima ustanove utvrđeno da dio ustanove ima određena ovlaštenja u pravnom prometu, kao i poseban obračun rezultata poslovanja, uz prijavu za upis u sudski registar dijela ustanove prilažu se:

1) odluka o imenovanju zastupnika;

2) ovjeren potpis lica ovlaštenog za zastupanje i granice njegovog ovlaštenja;

3) izvod iz pravila ustanove kojima se određuju prava i obaveze dijela ustanove i granice ovlaštenja lica ovlaštenog za zastupanje ustanove.

Član 12.

Uz prijavu za upis u sudski registar brisanje dijela ustanove prilažu se pravila ustanove kao dokaz o prestanku ovlaštenja tog dijela ustanove u pravnom prometu.

3. Prijava za upis u sudski registar osnivanja obaveznog oblika udruživanja ustanova

Član 13.

Uz prijavu za upis u sudski registar osnivanja obaveznog oblika udruživanja ustanova prilažu se:

1) akt ili ugovor o osnivanju obaveznog oblika udruživanja;

2) ovjeren potpis lica ovlaštenog za zastupanje obaveznog oblika udruživanja i granice njegovih ovlaštenja.

Obavezni oblik udruživanja iz stava 1. ovog člana dužan je da registarskom sudu dostavi pravila obaveznog oblika udruživanja i dokaz o imenovanju organa upravljanja i rukovođenja, u roku od 15 dana od dana isteka roka predviđenog aktom o osnivanju, uz prijavu za upis u sudski registar promjene lica ovlaštenog za zastupanje.

Član 14.

Ako se ustanova udruži u postojeći obavezni oblik udruživanja ustanova, organ rukovođenja obaveznim oblikom udruživanja podnosi prijavu za upis u sudski registar pristupanja nove ustanove obaveznom obliku udruživanja.

Ako ustanova istupa iz obaveznog oblika udruživanja, organ rukovođenja obaveznog oblika udruživanja podnosi prijavu za upis u sudski registar istupanja ustanove iz obaveznog oblika udruživanja.

Uz prijavu pristupanja odnosno istupanja ustanove prilaže se odluka organa upravljanja ustanove o pristupanju, odnosno o istupanju ustanove iz obaveznog oblika udruživanja.

Prijavu iz st. 1. i 2. ovog člana organ rukovođenja obaveznim oblikom udruživanja dužan je da podnese u roku od 15 dana od dana donošenja odluke o pristupanju odnosno istupanju ustanove iz obaveznog oblika udruživanja.

4. Prijava za upis u sudski registar podjele ustanove

Član 15.

Ako se ustanova podijeli na dvije ili više ustanova, u sudski registar se upisuju nove ustanove.

Uz prijavu za upis u registar organizovanja svake nove ustanove prilaže se:

1) odluka osnivača o podjeli ustanove na dvije ili više ustanova i o preuzimanju prava i obaveza osnivača prema ustanovi koja je nastala podjelom odnosno o prenošenju prava i obaveza osnivača na drugo pravno ili fizičko lice;

2) odluka osnivača o određivanju lica koje će do imenovanja direktora predstavljati i zastupati ustanovu i granice njegovog ovlaštenja;

3) ovjeren potpis lica ovlaštenog za zastupanje;

4) rješenja, odnosno potvrde iz tač. 4. i 5. stava 1. člana 9. ove uredbe.

Odluke iz tač. 1. i 2. stava 2. ovog člana ne prilažu se uz prijavu za upis, ako su odluke objavljene u "Službenom listu RBiH".

Ustanova iz stava 2. ovog člana dužna je da registarskom sudu dostavi pravila ustanova i dokaz o imenovanju direktora, u roku od 60 dana od dana upisa u sudski registar ustanove, ako odlukom osnivača nije određen drugi rok.

5. Prijava za upis u sudski registar spajanja dvije ili više ustanova

Član 16.

Ako se dvije ili više ustanova spoje u jednu ustanovu, uz prijavu za upis u sudski registar nove ustanove prilaže se:

1) odluka osnivača ustanova o spajanju u jednu ustanovu;

2) odluke osnivača ustanova koje se spajaju o preuzimanju odnosno o prenošenju prava osnivača prema novoj ustanovi;

3) odluke osnivača o određivanju lica koje će do imenovanja direktora predstavljati i zastupati novu ustanovu;

4) ovjeren potpis lica ovlaštenog za zastupanje;

5) rješenja odnosno potvrde iz tač. 4. i 5. stava 1. člana 9. ove uredbe.

Odluke iz tač. 1. i 2. stava 1. ovog člana ne prilažu se uz prijavu za upis, ako su odluke objavljene u "Službenom listu RBiH".

Ustanova iz stava 1. ovog člana dužna je da registarskom sudu dostavi pravila ustanove i dokaz o imenovanju direktora, u roku od 60 dana od dana upisa ustanove u sudski registar,

ako odlukom osnivača o spajanju ustanova nije određen drugi rok.

6. Prijava za upis u sudski registar pripajanja ustanova

Član 17.

Ako se ustanova pripoji drugoj ustanovi, uz prijavu za upis u sudski registar pripajanja jedne ustanove drugoj ustanovi, prilaže se:

1) odluka osnivača ustanove o pripajanju drugoj ustanovi;

2) odluka osnivača ustanove kojoj se pripaja druga ustanova o prihvatanju pripajanja druge ustanove.

Odluke iz stava 1. ovog člana ne prilažu se uz prijavu za upis, ako su odluke objavljene u "Službenom listu RBiH".

7. Prijava za upis u sudski registar izdvajanja dijela ustanove u samostalnu ustanovu

Član 18.

Ako se dio ustanove izdvoji u samostalnu ustanovu, uz prijavu za upis u sudski registar nove ustanove prilaže se:

1) odluke osnivača ustanove o izdvajanju cijela ustanove i o preuzimanju odnosno o prenošenju na drugo pravno ili fizičko lice prava i obaveza osnivača prema novoj ustanovi;

2) odluka osnivača o određivanju lica koje će do imenovanja direktora predstavljati i zastupati novoorganizovanu ustanovu i granice njegovog ovlaštenja;

3) ovjeren potpis lica ovlaštenog za zastupanje;

4) rješenja odnosno potvrde iz tač. 4. i 5. stava 1. člana 9. ove uredbe.

Odluka iz tačke 1. stava 1. ovog člana ne prilaže se uz prijavu za upis ako je objavljena u "Službenom listu RBiH".

Ustanova iz stava 1. ovog člana dužna je da registarskom sudu dostavi pravila ustanove i dokaz o imenovanju direktora u roku od 60 dana od dana upisa organizovanja ustanove u sudski registar, ako odlukom osnivača nije određen drugi rok.

8. Prijava za upis u sudski registar brisanja ustanove zbog statusne promjene

Član 19.

Ustanova koja prestaje usljed podjele na dvije ili više ustanova, spajanje sa drugom ustanovom ili pripajanja drugoj ustanovi, briše se iz sudskog registra.

U slučaju iz stava 1. ovog člana prijavu za upis u sudski registar brisanja ustanova podnosi direktor ustanove koja prestaje ili direktor nove ustanove ili direktor ustanove kojoj se ranija ustanova pripaja, i to istovremeno sa prijavom za upis u sudski registar iz čl. 15. do 17. ove uredbe.

9. Prijava za upis u sudski registar promjene naziva ustanove

Član 20.

Uz prijavu za upis u sudski registar promjene naziva ustanove prilaže se:

1) odluka o promjeni naziva ustanove, odnosno izmjene i dopune pravila ustanove;

2) odluka osnivača o davanju saglasnosti za promjenu naziva ustanove.

10. Prijava za upis u sudski registar naziva ustanove sa imenom umrle istorijske ili druge znamenite ličnosti

Član 21.

Kada naziv ustanove sadrži ime umrle istorijske ili druge znamenite ličnosti, uz prijavu za upis u sudski registar osnivanja ustanove ili promjene naziva ustanove prilaže se i:

1) dozvola organa uprave koji vrši nadzor nad zakonitošću rada ustanove da se u naziv ustanove unese ime istorijske ili druge znamenite ličnosti, osim u slučaju kada je jedan od osnivača ustanove Skupštine Republike Bosne i Hercegovine, skupština opštine ili skupština gradske zajednice;

2) pristanak srodnika umrle istorijske ili druge znamenite ličnosti da se u naziv ustanove unese ime te ličnosti.

11. Prijava za upis u sudski registar promjene sjedišta ustanove

Član 22.

Uz prijavu za upis u sudski registar promjene sjedišta ustanove prilaže se:

- 1) odluka o promjeni sjedišta ustanove, odnosno izmjene i dopune pravila ustanove,
- 2) odluka osnivača o saglasnosti promjene sjedišta ustanove.

12. Prijava za upis u sudski registar proširenja ili promjene djelatnosti ustanove

Član 23.

Uz prijavu za upis u sudski registar proširenja ili promjene djelatnosti ustanove prilaže se:

- 1) odluka osnivača o proširenju odnosno promjeni djelatnosti ustanove;
- 2) rješenja odnosno potvrde iz tač. 4. i 5. stava 1. člana 9. ove uredbe.

Ustanova iz stava 1. ovog člana dužna je da registarskom sudu dostavi izmjene i dopune pravila ustanove u roku od 30 dana od dana upisa proširenja odnosno primjene djelatnosti u sudski registar, ako odlukom osnivača nije određen drugi rok.

13. Prijava za upis u sudski registar promjene odgovornosti osnivača za obaveze ustanove

Član 24.

Uz prijavu za upis u sudski registar promjene odgovornosti osnivača za obaveze ustanove prilaže se izmjene i dopune akta o osnivanju ustanove.

Prijavu iz stava 1. ovog člana, pored direktora ustanove, može podnijeti i ovlašteni predstavnik osnivača odnosno organ uprave koji vrši nadzor nad zakonitosti rada ustanove, ako je osnivač ustanove društveno-politička zajednica.

14. Prijava za upis u sudski registar promjene osnivača ustanove

Član 25.

Uz prijavu za upis u sudski registar promjene osnivača ustanove prilaže se:

- 1) odluka osnivača o prenošenju prava i obaveza osnivača na drugo pravno ili fizičko lice,
- 2) odluka pravnog ili fizičkog lica o preuzimanju prava i obaveza osnivača prema ustanovi.

15. Prijava za upis u sudski registar prestanka statusa javne ustanove

Član 26.

Ako ustanova izgubi status javne ustanove, uz prijavu za upis u sudski registar prestanka statusa javne ustanove prilaže se odluka osnivača odnosno ovjeren prepis akta skupštine društveno-političke zajednice o prestanku postojanja javnog interesa, osim u slučaju kada je taj akt objavljen u "Službenom listu RBiH".

Prijavu iz stava 1. ovog člana, pored direktora ustanove, može podnijeti i organ uprave koji vrši nadzor nad zakonitosti rada ustanove.

16. Prijava za upis u sudski registar promjene lica ovlaštenog za zastupanje ili promjene njegovih ovlaštenja

Član 27.

Uz prijavu za upis u sudski registar promjene lica ovlaštenog za zastupanje ustanove odnosno promjene njegovih ovlaštenja prilaže se:

- 1) odluka upravnog odbora ustanove o promjen lica ovlaštenog za zastupanje sa naznakom granica njegovih ovlaštenja,

odnosno odluka upravnog odbora o promjeni granica ovlaštenja postojećeg lica ovlaštenog za zastupanje,

2) ovjeren potpis lica ovlaštenog za zastupanje.

Ovjeren potpis lica ovlaštenog za zastupanje prilaže se uz prijavu samo u slučaju promjene lica ovlaštenog za zastupanje.

17. Prijava za upis u sudski registar zabrane obavljanja djelatnosti ustanove i brisanju ustanove iz posebnog registra

Član 28.

Kada nadležni organ donese rješenje o zabrani obavljanja djelatnosti ustanove, odnosno rješenje o brisanju ustanova iz posebnog registra, taj organ je dužan da poslije pravosnažnosti rješenja podnese registarskom sudu zahtjev za upis u sudski registar zabrane obavljanja djelatnosti ustanove, odnosno zahtjev za upis u sudski registar brisanja ustanove iz posebnog registra.

Uz zahtjev iz stava 1. ovog člana prilaže se rješenje o zabrani obavljanja djelatnosti ustanove, odnosno rješenja o brisanju ustanove iz posebnog registra.

Registarski sud će, po službenoj dužnosti, izvršiti upis u sudski registar.

18. Prijava za upis u sudski registar brisanja ustanove iz sudskog registra

Član 29.

Osnivač je dužan da registarskom sudu dostavi akt o prestanku ustanove. Na osnovu tog akta registarski sud će, po službenoj dužnosti, brisati ustanovu iz sudskog registra.

Ako je osnivač ustanove skupština društveno-političke zajednice, akt o prestanku ustanove registarskom sudu dostavlja organ uprave koji vrši nadzor nad zakonitosti rada ustanove.

Član 30.

Ako se ustanova organizuje u preduzeće, prijavu za brisanje ustanove iz sudskog registra dostavlja direktor ustanove ili direktor preduzeća.

Uz prijavu iz stava 1. ovog člana prilaže se odluka o organizovanju ustanove u preduzeće.

19. Prijava za upis u sudski registar podataka o drugim činjenicama određenim zakonom

Član 31.

Prijavu za upis u sudski registar podataka o drugim činjenicama određenim zakonom dužan je da podnese direktor ustanove, odnosno upravni odbor ustanove.

Uz prijavu za upis prilaže se isprave kojima se dokazuju činjenice određene zakonom.

III - OBJAVLJIVANJE UPISA U SUDSKI REGISTAR I IZDAVANJE IZVODA I UVJERENJA

Član 32.

Poslije upisa u sudski registar osnivanja, organizovanja, statusnih i drugih promjena, kao i drugih podataka od značaja za obavljanje djelatnosti ustanove i za treća lica, registarski sud objavljuje odgovarajući upis u "Službenom listu RBiH". Troškove objave snosi subjekt upisa.

Tekst oglasa za objavljivanje upisa prilaže se istovremeno sa dokazima uz prijavu za upis u sudski registar odgovarajućih podataka.

Član 33.

Na zahtjev subjekta upisa ili drugog zainteresovanog lica registarski sud izdaje izvod iz sudskog registra ili uvjerenje.

Izvod iz sudskog registra sadrži samo podatke upisane u odgovarajuće registarske listove iz aktivnog dijela registarskog uložka i izdaje se na propisanom obrascu ili na ovjerenjima fotokopiji registarskih listova subjekta upisa.

O upisanim podacima u sudskom registru iz pasivnog dijela registarskog uložka registarski sud izdaje uvjerenja.

IV - PRELAZNE I ZAVRŠNE ODREDBE

Član 34.

Postojeće ustanove koje su bile upisane u sudski registar preduzeća i drugih pravnih lica koja obavljaju privrednu djelatnost upisaće se u sudski registar ustanova na osnovu prijave iz člana 9. ove uredbe u roku od jedne godine od dana stupanja na snagu ove uredbe.

Član 35.

Ova uredba stupa na snagu danom objavljivanja u "Službenom listu RBiH".

V broj 183/93
26. juna 1993. godine
Sarajevo

Potpredsjednik
Vlade RBiH,
mr Hadžo Efendić, s. r.

325

Na osnovu člana 17. stav 2. Uredbe sa zakonskom snagom o javnim preduzećima ("Službeni list RBiH", br. 4/92 i 21/92), Vlada Republike Bosne i Hercegovine, donosi

RJEŠENJE

O DAVANJU SAGLASNOSTI NA STATUT JAVNOG PREDUZEĆA ELEKTROPRIVREDA BOSNE I HERCEGOVINE, SARAJEVO SA P. O.

1. Daje se saglasnost na Statut Javnog preduzeća Elektroprivreda Bosne i Hercegovine, Sarajevo sa p. o. broj UO-960/93 od 22. juna 1993. godine.

2. Ovo rješenje objavi u "Službenom listu RBiH".

V broj 197/93
15. jula 1993. godine
Sarajevo

Potpredsjednik
Vlade RBiH,
mr Hadžo Efendić, s. r.

326

Na osnovu člana 13. Uredbe sa zakonskom snagom o raseljenim licima i izbjeglicama ("Službeni list RBiH", broj 18/92), Vlada Republike Bosne i Hercegovine, donosi

RJEŠENJE

O POSTAVLJENJU DIREKTORA OKRUŽNOG UREDA ZA RASELJENA LICA I IZBJEGLICE U BIHAĆU

Za direktora Okružnog ureda za raseljena lica i izbjeglice u Bihaću postavlja se mr. MEHMED FAZLIĆ.

Ovo rješenje objavi u "Službenom listu RBiH".

V broj 184/93
6. jula 1993. godine
Sarajevo

Potpredsjednik
Vlade RBiH,
mr Hadžo Efendić, s. r.

327

Na osnovu člana 13. Uredbe sa zakonskom snagom o raseljenim licima i izbjeglicama ("Službeni list RBiH", broj 18/92), Vlada Republike Bosne i Hercegovine, donosi

RJEŠENJE

O POSTAVLJENJU DIREKTORA OKRUŽNOG UREDA ZA RASELJENA LICA I IZBJEGLICE U DOBOJU

Za direktora Okružnog ureda za raseljena lica i izbjeglice u Doboju postavlja se MIDHAT ALIČIĆ.

Ovo rješenje objavi u "Službenom listu RBiH".

V broj 185/93
6. jula 1993. godine
Sarajevo

Potpredsjednik
Vlade RBiH,
mr Hadžo Efendić, s. r.

328

Na osnovu člana 55. stav 1. Uredbe sa zakonskom snagom o obrazovanju i radu okruga ("Službeni list RBiH", br. 12/92,

14/92, 18/92, 21/92 i 3/93), Vlada Republike Bosne i Hercegovine, na prijedlog ministra odbrane, donosi

RJEŠENJE

O PRESTANKU VAŽENJA RJEŠENJA O OKVIRNOJ UNUTARNJOJ ORGANIZACIJI OKRUŽNIH ORGANA

1. Rješenje o okvirnoj unutarnjoj organizaciji okružnih organa ("Službeni list RBiH", broj 16/92) prestaje da važi.

2. Ovo rješenje stupa na snagu danom objavljivanja u "Službenom listu RBiH".

V broj 182/93
26. juna 1993. godine
Sarajevo

Potpredsjednik
Vlade RBiH,
mr Hadžo Efendić, s. r.

329

Na osnovu člana 126. alineja 5. Zakona o unutrašnjim poslovima ("Službeni list SRBiH", broj 18/90 i "Službeni list RBiH", br. 14/92 i ???/93), ministar unutrašnjih poslova, donosi

PRAVILNIK

O ZAŠTITNOM ZNAKU MINISTARSTVA UNUTRAŠNJIH POSLOVA

Član 1.

Ovim pravilnikom uređuje se izgled odnosno oblik zaštitnog znaka Ministarstva unutrašnjih poslova (u daljem tekstu: znak) i način korišćenja tog znaka.

Član 2.

Znak je osmougaonog oblika na kome su simetrično rasporedene linije u obliku zraka u čijem se središnjem dijelu nalazi grb Republike Bosne i Hercegovine (u daljem tekstu: grb).

Član 3.

Prema potrebi znak može sadržavati i nazive "Republika Bosna i Hercegovina", "Ministarstvo unutrašnjih poslova - Ministarstvo unutrašnjih poslova", koji su raspoređeni na odgovarajući način ili su u krugu oko znaka.

Član 4.

Linije iz člana 2. ovog pravilnika rasporedene su tako da su one koje se nalaze na stranici znaka uvučene u polukrug, s tim da svaki polukrug sadrži šest simetrično raspoređenih linija čija se širina smanjuje prema središtu polukruga.

U slučajevima reljefne izrade znaka debljina linije je tanja od osnove prema kraju.

Član 5.

Ukoliko se znak izrađuje u boji grb je u pravilu propisanih boja, a linije i nazivi su u pravilu mesingano-žute boje.

Ukoliko se znak izrađuje u crno-bijeloj boji osnova grba i nazivi su crne boje, a ostalo je bijele boje.

Član 6.

Znak se može koristiti isključivo za potrebe Ministarstva unutrašnjih poslova i to na: značkama, službenim vozilima, posebnim oznakama, akreditacijama ili bedževima, zastavama, publikacijama i drugim pogodnim predmetima.

Član 7.

Izradu znaka propisanog ovim pravilnikom, kao i njegove dimenzije ukoliko nisu određene posebnim propisom odobrava rješenjem ministar unutrašnjih poslova.

Član 8.

Ovaj pravilnik stupa na snagu danom objavljivanja u "Službenom listu RBiH".

Broj 10-1134
6. juna 1993. godine
Sarajevo

Ministar
Jusuf Pušina, s. r.



OBRAZAC BROJ 1.



REPUBLIKA BOSNA I HERCEGOVINA
MINISTARSTVO UNUTRAŠNJIH POSLOVA
MINISTARSTVO UNUTARNJIH POSLOVA

OBRAZAC BROJ 2.

330

Na osnovu člana 126. alineja 4. Zakona o unutrašnjim poslovima ("Službeni list SRBiH", broj 18/90 i "Službeni list RBiH", broj 14/92), ministar unutrašnjih poslova, odnosi

PRAVILNIK

O OBRASCIMA SLUŽBENIH LEGITIMACIJA I POSEBNOJ OZNACI OVLAŠĆENIH SLUŽBENIH LICA U MINISTARSTVU UNUTRAŠNJIH POSLOVA

Član 1.

Ovim pravilnikom propisuju se obrazac službene legitimacije (u daljem tekstu: legitimacija) i posebne oznake (u daljem tekstu: značka) koju nose ovlašćena službena lica Ministarstva unutrašnjih poslova (u daljem tekstu: Ministarstvo), sadržaj i postupak izdavanja legitimacije i značke kao i način vođenja evidencije o tome.

Član 2.

Legitimacija i značka izdaju se određenim radnicima Ministarstva u smislu člana 41. Zakona o unutrašnjim poslovima.

Član 3.

Legitimacija se izrađuje u polaroid tehnici kompjutorskog sastava, dimenzije 70×90 mm.

Prednja strana legitimacije sadrži:

- na gornjoj lijevoj strani serijski broj od četiri cifre ispod koga je zaštitni znak Ministarstva;
- na gornjoj desnoj strani fotografiju nosioca legitimacije dimenzije 25×30 mm preko koje se utiskuje suvi žig;
- ispod elemenata iz alineje 1. i 2. ovog stava ispisano je: "Republika Bosna i Hercegovina", "Ministarstvo unutrašnjih poslova - Ministarstvo unutarnjih poslova", ime i prezime radnika;
- u donjem desnom dijelu potpis lica koje je ovlašćeno da izdaje istu preko koga se utiskuje odgovarajući pečat Ministarstva.

Legitimacija ispred serijskog broja ima posebnu oznaku i to:

- A za funkcionera i rukovodeće radnike
- B i C za pripadnike Policije
- D za pripadnike Službe državne bezbjednosti i
- E za ostala ovlašćena službena lica.

Legitimacija je sive boje, a oznaka i serijski broj je crvene boje.

Na poledini legitimacije odštampana su ovlašćenja radnika Ministarstva.

Član 4.

Legitimacija pored podataka navedenih u članu 3. ovog pravilnika na prednjoj strani, ispred podatka o imenu sadrži:

- za funkcionera i rukovodeće radnike naziv funkcije,
- za pripadnike Policije natpis "Policija", a za
- za pripadnike Službe državne bezbjednosti natpis: "Služba državne bezbjednosti".

Član 5.

Značka se izrađuje od metala (mesing), dimenzija je 82 mm dužine × 55 mm na gornjem i 40 mm u srednjem dijelu, s tim da se u donjem dijelu sužava na 00 mm. Značka ima oblik starobosanskog grba u kome se ispod ljiljana nalazi oznaka i serijski broj koji su identični oznaci i serijskom broju iz člana 3. st. 2. i 3. ovog pravilnika. Ispod oznake i serijskog broja, odnosno u sredini štita nalazi se zaštitni znak Ministarstva promjera 30 mm na najudaljenijim tačkama greda zaštitnog znaka. Ispod donjeg dijela zaštitnog znaka nalazi se u polukruhu natpis "POLICIJA".

Član 6.

Ovlašćena službena lica Ministarstva legitimaciju i značku nose u kožnom povezu.

Kožni povez iz stava 1. ovog člana je crne boje i ima pregib, veličina svakog pregiba je 70×100 mm, a na prednjoj strani poveza utisnut je suvim žigom grb Republike Bosne i Hercegovine.

Radnici Ministarstva kada poslove i zadatke obavljaju u uniformi značku nose na uniformi i to iznad lijevog džepa gornjeg dijela uniforme.

Radnici Ministarstva kada izvršavaju poslove i zadatke u civilnom odijelu mogu u zavisnosti od situacije značku nositi u lijevom džepu gornjeg dijela odjeće ili na drugi pogodan način.

Član 7.

Legitimaciju i značku izdaje Ministarstvo.

Član 8.

Tekst legitimacije i tekst na znački ispisan je latinicom, izuzev što je tekst ovlašćenja radnika Ministarstva ispisan i ćirilicom.

Član 9.

O izdatim legitimacijama i značkama vodi se evidencija.

Evidencija iz stava 1. ovog člana sadrži: registarski broj, prezime i ime ovlašćenog lica kome je izdata legitimacija i značka, poslovi i zadaci koje obavlja, naziv organizacione

jedinice u kojoj obavlja poslove i zadatke, serijski broj službene legitimacije i značke, datum izdavanja i rubriku za napomene.

Član 10.

Evidencije iz člana 9. ovog pravilnika vode se za legitimacije i značke izdate i to posebno za:

- funkcionera i rukovodeće radnike,
- pripadnike Službe državne bezbjednosti,
- pripadnike Policije i
- ostala ovlaštena službena lica Ministarstva.

Član 11.

Kad ovlašteno lice izgubi legitimaciju ili značku ili na drugi način ostane bez njih, dužno je da o tome odmah, a najkasnije u roku od tri dana od dana gubljenja ili nestanka legitimacije ili značke, obavijesti neposrednog rukovodioca i podnese mu pismenu izjavu o vremenu i načinu gubitka ili nestanka legitimacije ili značke.

Ovlašteno lice koje je izgubilo legitimaciju ili značku snosi troškove nabavke nove legitimacije i značke.

Član 12.

Nosilac legitimacije i značke kome prestane funkcija ili radni odnos u Ministarstvu ili koje bude raspoređeno na radno mjesto za koje se ne izdaje legitimacija i značka dužan je da preda dotadašnjem neposrednom rukovodiocu a u njegovom odsustvu rukovodiocu organizacione jedinice Ministarstva u čijem djelokrugu spada izdavanje legitimacije i značke.

Neposredni rukovodilac iz stava 1. ovog člana užan je primljenu legitimaciju i značku dostaviti nadležnoj organizacionoj jedinici Ministarstva u roku od pet dana od dana prijema legitimacije i značke.

Član 13.

Službene legitimacije izdate po ranijim propisima zamjenice se legitimacijom i značkom utvrđenim ovim pravilnikom u roku od šest mjeseci od dana stupanja na snagu ovog pravilnika.

Član 14.

Prilikom zamjene legitimacije i značke iz razloga utvrđenog u članu 13. ovog pravilnika, radnik predaje legitimaciju izdatu po ranijim propisima na način i postupak utvrđen u članu 12. ovog pravilnika.

Član 15.

Vraćene legitimacije uništice komisija koju imenuje ministar unutrašnjih poslova.

Član 16.

Obrazac legitimacije i oblik i izgled značke odštampani su uz ovaj pravilnik i čine njegov sastavni dio (obrazac br. 1, 2. i 3).

Član 17.

Obrazac legitimacije odnosno značku može izradivati samo pravno-fizičko lice - samostalni privrednik koje za to ovlasti ministar unutrašnjih poslova.

Član 18.

Stupanjem na snagu ovog pravilnika prestaje da važi Pravilnik o obrascu legitimacije ovlašćenih službenih lica organa unutrašnjih poslova ("Službeni list SRBiH", br. 19/74 i 21/74).

Član 19.

Ovaj pravilnik stupa na snagu danom objavljivanja u "Službenom listu RBiH".

OBRAZAC BROJ 1.

OBRAZAC BROJ 2.



OBRAZAC 3.

331.

Na osnovu člana 37. stav 5. Zakona o zaštiti civilnih žrtava rata - Prečišćeni tekst ("Službeni list SR BiH", br. 34/84, 41/87, 41/89 i 33/90), ministar rada i socijalne politike, izdaje

NAREDBU

O USKLADIVANJU MJESEČNIH NOVČANIH IZNOSA PRIMANJA CIVILNIH ŽRTAVA RATA OD 1. MAJA 1993. GODINE

1. Mjesečni novčani iznosi civilne invalidnine, dodatka za njegu i pomoć drugog lica, dodatne novčane pomoći, dodatka za člana porodice nesposobnog za rad i dodatka za samohranost, kao i imovinski cenzus povećavaju se za 75,2% u odnosu na isplatu u aprilu 1993. godine, i to počev od 1. maja 1993. godine i iznose:

1. Civilna invalidnina

I grupa - 100% tjelesnog oštećenja za lica kojima je za osnovne životne potrebe potrebna njega i pomoć drugog lica	243.919 dinara
II grupa - 100% tjelesnog oštećenja	176.673 dinara
III grupa - 90% tjelesnog oštećenja	133.189 dinara
IV grupa - 80% tjelesnog oštećenja	106.770 dinara
V grupa - 70% tjelesnog oštećenja	70.406 dinara
VI grupa - 60% tjelesnog oštećenja	43.588 dinara
2. Dodatak za njegu i pomoć drugog lica	160.914 dinara
3. Dodatna novčana pomoć	57.215 dinara

4. Dodatak za člana porodice nesposobnog za rad	28.590 dinara
5. Dodatak za samohranost	28.590 dinara
6. Imovinski cenzus	42.160 dinara

2. Dodatna novčana pomoć iznosi 57.215 dinara ako mjesečni prihod po članu domaćinstva ne prelazi 42.160 dinara.

3. Ova naredba stupa na snagu narednog dana od dana objavljivanja u "Službenom listu RBiH", a tač. 1. i 2. primjenjuju se od 1. juna 1993. godine.

Broj 04/2-534-178/93
1. jula 1993. godine
Sarajevo

Zamjenik ministra
Sedika

Omerbegović-Bajraktarević, s. r.

Ustavni sud Bosne i Hercegovine

Ustavni sud Bosne i Hercegovine, na osnovu člana 387. stav 1. tačka 2. Ustava Republike Bosne i Hercegovine, člana 72. tač. 3. i 5. i člana 74. stav 1. tač. 1. i 7. Poslovnika Ustavnog suda Bosne i Hercegovine, na sjednici održanoj 1. 4. 1993. godine, donio je

ODLUKU

Utvrđuje se da je odredba člana 6. alineja 2. Odluke o komunalnim djelatnostima, koju je 8. 11. 1990. godine donijela Skupština grada Sarajeva ("Službene novine grada Sarajeva", broj 21/90), bila u nesaglasnosti sa ustavom i zakonom do stupanja na snagu Uredbe sa zakonskom snagom o javnim preduzećima ("Službeni list RBiH", br. 4/92 i 21/92).

Odbija se prijedlog za ocjenu ustavnosti i zakonitosti člana 6. alineja 4. i 5. iste odluke.

Ova odluka objaviće se u "Službenom listu RBiH" i u "Službenim novinama grada Sarajeva".

Obrazloženje

Javno preduzeće za proizvodnju i distribuciju toplote "Toplane - Sarajevo", prijedlogom od 5. 3. 1991. godine, pokrenulo je postupak za ocjenjivanje ustavnosti i zakonitosti navedenih odredaba Odluke o komunalnim djelatnostima i Odluke o izmjenama i dopunama Odluke o organizovanju Radne organizacije za proizvodnju i distribuciju toplote "Toplane-Sarajevo" kao javnog preduzeća.

Osporenim odredbama člana 6. Odluke o komunalnim djelatnostima propisano je da poseban društveni interes u obavljanju djelatnosti u javnom komunalnom preduzeću, kada Grad vrši prava osnivača, Grad ostvaruje imenovanjem i razrješenjem direktora (alineja 2.), davanjem saglasnosti na godišnji plan poslovanja, godišnji izvještaj o radu, godišnji obračun poslovne godine i prijedlog za raspodjelu dobiti (alineja 4.) i davanjem saglasnosti na plan izdavanja i usmjeravanja sredstava amortizacije u okviru godišnjeg plana poslovanja (alineja 5.).

Prema Ustavu Republike Bosne i Hercegovine poseban društveni interes u vršenju privrednih djelatnosti koje su nezamjenljiv uslov života i rada građana ili rada drugih organizacija na određenom području, obezbjeđuje se, između ostalog, učestvovanjem predstavnika osnivača, odnosno društveno-političkih zajednica u odlučivanju o ostvarivanju zajedničkih ciljeva, o utvrđivanju osnovne namjene korišćenja sredstava i osnovnih uslova sticanja dohotka i poslovanja i o programima razvoja, učestvovanjem u imenovanju i razrješenju poslovnih organa i drugim oblicima društvenog uticaja na vršenje tih djelatnosti. Radnicima organizacija koja obavljaju djelatnost od posebnog društvenog interesa ne mogu se ograničiti druga ustavom zajamčena prava koja se odnose na rad i upravljanje društvenim sredstvima, uređivanje međusobnih odnosa u radu, sticanja dohotka i odlučivanje o dohotku i sticanje ličnih dohodaka (član 51.). Zakonom se mogu propisati posebni uslovi i način imenovanja i razrješenja i posebna prava i dužnosti poslovnih organa u organizacijama koje vrše djelatnost, odnosno poslove od posebnog društvenog interesa (član 111. stav 6.).

Zakonom o preduzećima ("Službeni list SFRJ", br. 77/89, 40/89, 46/90 i 61/90), koji je preuzet kao republički zakon, propisano je da se odredbe ovog zakona o preduzeću u društvenoj svojini, preduzeću u mješovitosti, odnosno privatnoj svojini, shodno primjenjuju i na javna preduzeća (član 24b.). Prema članu 54. Zakona radnički savjet društvenog preduzeća, na prijedlog konkursne komisije sastavljene od radnika društvenog preduzeća, imenuje direktora na osnovu javnog konkursa, a prema članu 127. u preduzeću u mješovitom vlasništvu upravni odbor, između ostalog, postavlja i razrješava direktora.

Uredbom sa zakonskom snagom o javnim preduzećima ("Službeni list RBiH", br. 4/92 i 21/92) propisano je da se organizovanje javnih preduzeća vrši na način kojim se obezbjeđuje poseban društveni interes prvenstveno kroz, između ostalog, tehničko-tehnološko jedinstvo, efikasnost i poslovan-

traženo da u roku od 30 dana od dana prijema rješenja dostavi odgovor na navode iz rješenja. Odgovor u ostavljenom roku nije dostavljen.

Prema Ustavu Republike Bosne i Hercegovine vrste i uslovi odgovornosti nosilaca javnih i drugih društvenih funkcija kao i način i postupak ostvarivanja njihove odgovornosti utvrđuju se zakonom i opštim aktima (član 102. stav 4.). Državni organi mogu rješavati o pravima i obavezama samo u zakonom propisanom postupku u kome je svakom data mogućnost da brani svoja prava i interese i da protiv donesenog akta izjavi žalbu ili upotrijebi drugo zakonom predviđeno pravno sredstvo (član 223. stav 1.).

Imajući u vidu ove ustavne odredbe, po ocjeni Ustavnog suda, navedene odredbe Uredbe, prema kojima se sudija za prekršaje može razriješiti od dužnosti i mimo uslova i postupka utvrđenih u zakonu, nisu u saglasnosti sa Ustavom zbog čega je Ustavni sud donio odluku kao u dispozitivu.

U broj 2/93

10. juni 1993. godine

Sarajevo

Predsjednik

Ustavnog suda BiH,

prof. dr Ismet Dautbašić, s. r.

Ustavni sud Bosne i Hercegovine, na osnovu člana 387. stav 1. tačka 1. Ustava Republike Bosne i Hercegovine i člana 72. tačka 1. Poslovnika Ustavnog suda Bosne i Hercegovine, na sjednici održanoj 10. juna 1993. godine, donio je

ODLUKU

Utvrđuje se da su odredbe člana 5. stav 1. i 2. Uredbe sa zakonskom snagom o primjeni Zakona o redovnim sudovima za vrijeme neposredne ratne opasnosti ili za vrijeme ratnog stanja ("Službeni list RBiH", br. 6/92, 11/92 i 21/92) u nesaglasnosti sa Ustavom Republike Bosne i Hercegovine.

Ova odluka, u smislu člana 395. Ustava Republike Bosne i Hercegovine, a u vezi sa stavom 3. tačke 5. Amandmana LI na Ustav Republike Bosne i Hercegovine, dostavlja se Predsjedništvu Republike Bosne i Hercegovine.

Ova odluka objaviće se u "Službenom listu RBiH".

O b r a z l o ž e n j e

Ustavni sud Bosne i Hercegovine, rješenjem od 25. 2. 1993. godine, pokrenuo je postupak za ocjenjivanje ustavnosti navedenih odredaba, kojima je propisano da sudije i sudije porotnici mogu, osim iz zakona predviđenih razloga, biti razriješeni od dužnosti i iz drugih opravdanih razloga i da se ova odluka može donijeti i ako prethodno nije proveden postupak za utvrđivanje razloga za razrješenje.

Rješenje o pokretanju postupka dostavljeno je 6. 4. 1993. godine Predsjedništvu Republike Bosne i Hercegovine i traženo da u roku od 30 dana od dana njegovog prijema Ustavnom sudu dostavi odgovor na navode iz rješenja. Odgovor u ostavljenom roku nije dostavljen.

Prema Ustavu Republike Bosne i Hercegovine vrste i uslovi odgovornosti nosilaca javnih i drugih društvenih funkcija, kao i način i postupak ostvarivanja njihove odgovornosti utvrđuju se zakonom i opštim aktima (član 102. stav 4.). Državni organi mogu rješavati o pravima i obavezama samo u zakonom propisanom postupku u kome je svakome data mogućnost da brani svoja prava i interese i da protiv donesenog akta izjavi žalbu ili upotrijebi drugo zakonom predviđeno pravno sredstvo (član 223. stav 1.). Redovni sudovi su u vršenju sudske funkcije nezavisni i sude na osnovu ustava i zakona (tačka 1. stav 2. Amandmana LXXVI na Ustav Republike Bosne i Hercegovine).

Imajući u vidu ove ustavne odredbe, po ocjeni Ustavnog suda, navedene odredbe Uredbe, prema kojima se sudije i sudije porotnici mogu razriješiti od dužnosti i mimo uslova i postupka utvrđenih zakonom, nisu u saglasnosti sa Ustavom, zbog čega je Ustavni sud donio odluku kao u dispozitivu.

U broj 3/93

10. juni 1993. godine

Sarajevo

Predsjednik

Ustavnog suda BiH,

prof. dr Ismet Dautbašić, s. r.

Ustavni sud Bosne i Hercegovine, na osnovu člana 387. stav 1. tačka 1. Ustava Republike Bosne i Hercegovine i člana 72. tačka 1. Poslovnika Ustavnog suda Bosne i Hercegovine, na sjednici održanoj 10. juna 1993. godine, donio je

ODLUKU

Utvrđuje se da su odredbe člana 6. stav 1. i 2. Uredbe sa zakonskom snagom o primjeni Zakona o javnom tužilaštvu za vrijeme neposredne ratne opasnosti ili za vrijeme ratnog stanja ("Službeni list RBiH", br. 6/92, 9/92 i 21/92) u nesaglasnosti sa Ustavom Republike Bosne i Hercegovine.

Ova odluka, u smislu člana 395. Ustava Republike Bosne i Hercegovine, a u vezi sa stavom 3. tačke 5. Amandmana LI na Ustav Republike Bosne i Hercegovine, dostavlja se Predsjedništvu Republike Bosne i Hercegovine.

Ova odluka objaviće se u "Službenom listu RBiH".

O b r a z l o ž e n j e

Ustavni sud Bosne i Hercegovine, rješenjem od 25. 2. 1993. godine, pokrenuo je postupak za ocjenjivanje ustavnosti navedenih odredaba kojima je propisano da javni tužilac i njegov zamjenik mogu, osim iz zakonom predviđenih razloga, biti razriješeni od dužnosti i iz drugih opravdanih razloga i da se ova odluka može donijeti i ako prethodno nije proveden postupak za utvrđivanje razloga za razrješenje.

Rješenje o pokretanju postupka dostavljeno je 6. 4. 1993. godine Predsjedništvu Republike Bosne i Hercegovine i traženo da u roku od 30 dana od dana njegovog prijema dostavi odgovor na navode iz rješenja. Odgovor u ostavljenom roku nije dostavljen.

Prema Ustavu Republike Bosne i Hercegovine, vrste i uslovi odgovornosti nosilaca javnih i drugih društvenih funkcija, kao i način i postupak ostvarivanja njihove odgovornosti utvrđuju se zakonom i opštim aktima (član 102. stav 4.). Državni organi mogu rješavati o pravima i obavezama samo u zakonom propisanom postupku u kome je svakome data mogućnost da brani svoja prava i interese i da protiv donesenog akta izjavi žalbu ili upotrijebi drugo zakonom predviđeno pravno sredstvo (član 223. stav 1.). Javnog tužioca imenuje i razrješava Skupština Republike Bosne i Hercegovine, na način, pod uslovima i po postupku određenim zakonom (tačka 3. Amandman XLI na Ustav Republike Bosne i Hercegovine).

Imajući u vidu ove ustavne odredbe, po ocjeni Ustavnog suda, navedene odredbe Uredbe, prema kojima se javni tužilac i njegov zamjenik, mogu razriješiti od dužnosti i mimo uslova i postupka utvrđenih zakonom, nisu u saglasnosti sa Ustavom, zbog čega je Ustavni sud donio odluku kao u dispozitivu.

U broj 4/93

10. juni 1993. godine

Sarajevo

Predsjednik

Ustavnog suda BiH,

prof. dr Ismet Dautbašić, s. r.

Društveni fond za penzijsko i invalidsko osiguranje Bosne i Hercegovine

Na osnovu člana 30. Zakona o osnovnim pravima iz penzijskog i invalidskog osiguranja ("Službeni list SFRJ", br. 23/82, 77/82, 75/85, 8/87, 65/87, 87/89 i 44/90), koji je preuzet kao republički zakon Uredbom sa zakonskom snagom o preuzimanju saveznih zakona koji se u Bosni i Hercegovini primjenjuju kao republički zakoni ("Službeni list RBiH", broj 2/92) i člana 84. Statuta Društvenog fonda za penzijsko i invalidsko osiguranje Bosne i Hercegovine ("Službeni list SRBiH", broj 25/91), direktor Društvenog fonda za penzijsko i invalidsko osiguranje Bosne i Hercegovine, izdaje

SAOPŠTENJE

O USKLADIVANJU PENZIJA I NOVČANIH NAKNADA SA KRETANJEM LIČNIH DOHODAKA U MARTU 1993. GODINE

1. Starosne, invalidske i porodične penzije i penzije vojnih osiguranika (u daljem tekstu: penzije), novčane naknade po

osnovu preostale radne sposobnosti za osiguranike samostalnih djelatnosti i druge osiguranike koji nisu u radnom odnosu, novčane naknade za vrijeme čekanja na zaposlenje djece ome- tene u fizičkom ili psihičkom razvoju, novčane naknade za tjelesno oštećenje i novčane naknade za pomoć i njegu (u daljem tekstu: novčane naknade), usklađuju se sa kretanjem ličnih dohodaka svih zaposlenih radnika u Republici Bosni i Hercegovini u martu 1993. godine u odnosu na februar 1993. godine i povećavaju se za 47,558% od 1. aprila 1993. godine.

2. Usklađivanje iz prethodne tačke primjenjuje se na iznos penzije i novčane naknade nakon usklađivanja po Saopštenju o usklađivanju penzija i novčanih naknada sa kretanjem ličnih dohodaka u februaru 1993. godine ("Službeni list RBiH", broj 12/93).

3. Invalidske penzije određene po članu 36. stav 2. Statuta Društvenog fonda za penzijsko i invalidsko osiguranje Bosne i Hercegovine, kod kojih penzijski osnov predstavlja lični dohodak ostvaren u periodu od 1. januara do 28. februara 1993. godine, usklađuje se sa kretanjem ličnih dohodaka u martu 1993. godine u odnosu na prosječan lični dohodak iz perioda januar-februar 1993. godine i povećavaju se za 65,981% počev od dana sticanja prava na penziju.

4. Povećanje iz prethodne tačke primjenjuje se na iznos penzije određene od penzijskog osnova.

5. Zajamčena penzija koja se obezbjeđuje osiguranicima iz člana 43. stav 1. Zakona o penzijskom i invalidskom osiguranju ("Službeni list SRBiH", br. 38/90 i 22/91), nakon usklađivanja od 1. aprila 1993. godine iznosi 131.904 BHD.

6. Najniži iznos penzije koji se obezbjeđuje osiguranicima iz člana 43. stav 2. Zakona o penzijskom i invalidskom osiguranju nakon usklađivanja od 1. aprila 1993. godine iznosi 37.672 BHD.

7. Usklađivanje penzije i novčanih naknada po ovom saopštenju izvršiće se po službenoj dužnosti bez donošenja rješenja.

8. Ovo saopštenje objaviće se u "Službenom listu RBiH".

Broj BD-01-120/93

2. jula 1993. godine

Sarajevo

Direktor

Luka Šijaković, s. r.

=====

Na osnovu člana 30. Zakona o osnovnim pravima iz penzijskog i invalidskog osiguranja ("Službeni list SFRJ", br. 23/82, 77/82, 75/85, 8/87, 65/87, 87/89 i 44/90), koji je preuzet kao republički zakon Uredbom sa zakonskom snagom o preuzimanju saveznih zakona koji se u Bosni i Hercegovini primjenjuju kao republički zakoni ("Službeni list RBiH", broj 2/92) i člana 84. Statuta Društvenog fonda za penzijsko i invalidsko osiguranje Bosne i Hercegovine ("Službeni list SRBiH", broj 25/91), direktor Društvenog fonda za penzijsko i invalidsko osiguranje Bosne i Hercegovine, izdaje

SAOPŠTENJE

O USKLAĐIVANJU PENZIJA I NOVČANIH NAKNADA SA KRETANJEM LIČNIH DOHODAKA U APRILU 1993. GODINE

1. Starosne, invalidske i porodične penzije i penzije vojnih osiguranika (u daljem tekstu: penzije), novčane naknade po osnovu preostale radne sposobnosti za osiguranike samostalnih djelatnosti i druge osiguranike koji nisu u radnom odnosu, novčane naknade za vrijeme čekanja na zaposlenje djece ome- tene u fizičkom ili psihičkom razvoju, novčane naknade za tjelesno oštećenje i novčane naknade za pomoć i njegu (u daljem tekstu: novčane naknade), usklađuju se sa kretanjem ličnih dohodaka svih zaposlenih radnika u Republici Bosni i Hercegovini u aprilu 1993. godine u odnosu na mart 1993. godine i povećavaju se za 75,228% od 1. maja 1993. godine.

2. Usklađivanje iz prethodne tačke primjenjuje se na iznos penzije i novčane naknade nakon usklađivanja po Saopštenju o

usklađivanju penzija i novčanih naknada sa kretanjem ličnih dohodaka u martu 1993. godine ("Službeni list RBiH", broj 14/93).

3. Invalidske penzije određene po članu 36. stav 2. Statuta Društvenog fonda za penzijsko i invalidsko osiguranje Bosne i Hercegovine, kod kojih penzijski osnov predstavlja lični dohodak ostvaren u periodu od 1. januara do 31. marta 1993. godine, usklađuje se sa kretanjem ličnih dohodaka u aprilu 1993. godine u odnosu na prosječan lični dohodak iz perioda januar-mart 1993. godine i povećavaju se za 138,411% počev od dana sticanja prava na penziju.

4. Povećanje iz prethodne tačke primjenjuje se na iznos penzije određene od penzijskog osnova.

5. Zajamčena penzija koja se obezbjeđuje osiguranicima iz člana 43. stav 1. Zakona o penzijskom i invalidskom osiguranju ("Službeni list SRBiH", br. 38/90 i 22/91), nakon usklađivanja od 1. maja 1993. godine iznosi 231.133 BHD.

6. Najniži iznos penzije koji se obezbjeđuje osiguranicima iz člana 43. stav 2. Zakona o penzijskom i invalidskom osiguranju nakon usklađivanja od 1. maja 1993. godine iznosi 66.012 BHD.

7. Usklađivanje penzije i novčanih naknada po ovom saopštenju izvršiće se po službenoj dužnosti bez donošenja rješenja.

8. Ovo saopštenje objaviće se u "Službenom listu RBiH".

Broj BD-01-121/93

2. jula 1993. godine

Sarajevo

Direktor

Luka Šijaković, s. r.

=====

Zavod za statistiku Republike Bosne i Hercegovine

SAOPŠTENJE

O PROSJEČNOM MJESEČNOM ČISTOM LIČNOM/OSOBNOM DOHOTKU ZA MAJ/SVIBANJ 1993. GODINE

1. Prosječan mjesečni čist lični/osobni dohodak u Republici BiH za mjesec maj/svibanj 1993. godine iznosi 471.756 BHD. U odnosu na prethodni mjesec indeks je 142,9.

2. Prosječan mjesečni čist lični/osobni dohodak u privredi Republike BiH za mjesec maj/svibanj 1993. godine iznosi 536.597 BHD. U odnosu na prethodni mjesec indeks je 143,5.

3. Prosječan mjesečni čist lični/osobni dohodak u vanprivrednim djelatnostima Republike BiH za mjesec maj/svibanj 1993. godine iznosi 371.718 BHD. U odnosu na prethodni mjesec indeks je 154,9.

4. Prosječan mjesečni čist lični/osobni dohodak u Republici Bosne i Hercegovine u periodu mart/ožujak-maj/svibanj 1993. godine iznosi 330.135 BHD. Za isti period prošle godine primanja su bila 27.248. din.

5. Prosječan mjesečni čist lični/osobni dohodak u privredi Republike Bosne i Hercegovine u periodu mart/ožujak-maj/svibanj 1993. godine iznosi 375.142 BHD, a za isti period prošle godine primanja su bila 26.430 din.

6. Prosječan mjesečni čist lični/osobni dohodak u vanprivrednim djelatnostima Republike Bosne i Hercegovine u periodu mart/ožujak-maj/svibanj 1993. godine iznosi 243.807 BHD, a za isti period prošle godine primanja su iznosila 31.529 din.

Broj 52/93

13. juli 1993. godine

Sarajevo

Direktor

dr Hasan Zolić, s. r.

=====

Na osnovu člana 85. tač. 1. do 11. Uredbe sa zakonskom snagom o računovodstvu ("Službeni list RBiH", broj 2/92), Republički zavod za statistiku utvrđuje

KOEFICIJENTE**RASTA CIJENA I TROŠKOVA ŽIVOTA U RBiH
U JUNU/LIPNJU 1993.**

1. Mjesečni koeficijent rasta cijena proizvođača industrijskih proizvoda u mjesecu junu/lipnju 1993. godine u odnosu na prethodni mjesec je 0,486.
2. Koeficijent rasta cijena proizvođača industrijskih proizvoda od početka godine do kraja juna/lipnja 1993. godine je 9,110.
3. Koeficijent prosječnog mjesečnog rasta cijena proizvođača industrijskih proizvoda od početka godine do kraja juna/lipnja 1993. godine je 4,050.
4. Koeficijent rasta cijena proizvođača industrijskih proizvoda u mjesecu junu/lipnju 1993. godine u odnosu na isti mjesec prethodne godine je 423,450.
5. Mjesečni koeficijent rasta cijena na malo u mjesecu junu/lipnju ove godine u odnosu na prethodni mjesec je 0,686.
6. Koeficijent rasta cijena na malo od početka godine do kraja juna/lipnja je 69,850.
7. Koeficijent prosječnog mjesečnog rasta cijena na malo od početka godine do kraja juna/lipnja je 23,520.
8. Koeficijent rasta cijena na malo u junu/lipnju 1993. godine u odnosu na isti mjesec prethodne godine je 2.625,880.
9. Koeficijent rasta prosječnih troškova života u junu/lipnju 1993. godine u odnosu na prosjek prethodne godine je 76,980.

Broj 53/93

15. juli 1993. godine
SarajevoDirektor
dr Hasan Zolić, s. r.**SLUŽBENE OBJAVE****SUDSKI OGLASI**

U stečajnom postupku koji je kod Višeg suda u Sarajevu otvoren nad dužnikom društvenim preduzećem Industrija trikotaže "Šik" Sarajevo, rješenjem ovog suda broj ST-407/91 od 06. 07. 1993. godine otvoren je postupak radi zaključenja prinudnog poravnanja dužnika sa povjeriocima. Pozivaju se svi povjerioci da u roku od 30 dana od dana objavljivanja ovog oglasa u "Službenom listu RBiH", prijave svoja potraživanja stečajnom vijeću Višeg suda u Sarajevu podneskom u dva primjerka sa dokazima. Prijave se predaju u prijemnoj pisarnici suda u sobi broj 113/I. Zakazuje se ročište za zaključenje prinudnog poravnanja za dan

ČETVRTAK 30. 09. 1993. godine u 9,30 sati u sali broj 101/I u Ulici Branilaca Grada broj 8. Povjerioci prijavljuju svoja potraživanja najkasnije u roku od 5 dana prije dana održavanja ročišta. Povjerioci koji su već podnijeli ovom sudu prijave potraživanja u stečajnom postupku, nisu obavezni ponovo da ih podnose u postupku prinudnog poravnanja. Povjerioci o predloženom prinudnom poravnanju mogu glasati i pismenim putem (u smislu odredbe člana 36. Zakona o prinudnom poravnanju, stečaju i likvidaciji, koji je preuzet kao republički zakon), a ako je povjerilac pravno lice, uz podnesak kojim glasa mora priložiti dokaze da je podnesak potpisao zastupnik.

Dužnik prinudnog poravnanja predlaže poravnanje pod slijedećim uslovima:

"Dužnik se obavezuje da povjeriocima izmiri obaveze u visini od 100% do 30. 09. 1993. godine kao krajnjeg roka, odnosno u roku od 15 dana, od dana pravosnažnosti rješenja o odobrenju prinudnog poravnanja, sa obračunom kamata do isplate, uz primjenu kamatnih stopa PBS Kreditne banke DD Sarajevo". Ranije određeni stečajni upravnik SELIMBEGOVIĆ ing. ASIM, Ulica Gruje Novakovića broj 8/6 iz Sarajeva, obavljajući dužnosti i ovlaštenja upravnika prinudnog poravnanja. Ovaj oglas istaknut je na oglasnoj tabli Višeg suda Sarajevo, dana 06. 07. 1993. godine. (so-334)

SADRŽAJ

322 Uredba o uniformi i posebnim oznakama u policiji	365	ratnog stanja, od 18. 10. 1992. godine, koje je donio guverner Narodne banke Bosne i Hercegovine	380
323 Uredba o činovima, uslovima za sticanje činova i oznakama činova u policiji	368	Odluka o utvrđivanju odredbe člana 5. stav 1. i 2. Uredbe sa zakonskom snagom o primjeni Zakona o prekršajima za vrijeme neposredne ratne opasnosti ili za vrijeme ratnog stanja	380
324 Uredba o upisu u sudski registar ustanova	373	Odluka o utvrđivanju odredbe člana 5. stav 1. i 2. Uredbe sa zakonskom snagom o primjeni Zakona o redovnim sudovima za vrijeme neposredne ratne opasnosti ili za vrijeme ratnog stanja	381
325 Rješenje o davanju saglasnosti na Statut javnog preduzeća Elektroprivreda Bosne i Hercegovine, Sarajevo sa p. o.	376	Odluka o utvrđivanju odredbe člana 6. stav 1. i 2. Uredbe sa zakonskom snagom o primjeni Zakona o javnom tužilaštvu za vrijeme neposredne ratne opasnosti ili za vrijeme ratnog stanja	381
326 Rješenje o postavljenju direktora Okružnog ureda za raseljena lica i izbjeglice u Bihaću	376		
327 Rješenje o postavljenju direktora Okružnog ureda za raseljena lica i izbjeglice u Doboju	376		
328 Rješenje o prestanku važenja rješenja o okvirnoj unutarnjoj organizaciji okružnih organa	376		
329 Pravilnik o zaštitnom znaku Ministarstva unutrašnjih poslova	376		
330 Pravilnik o obrascima službenih legitimacija i posebnoj oznaci ovlašćenih službenih lica u Ministarstvu unutrašnjih poslova	377		
331 Naredba o usklađivanju mjesečnih novčanih iznosa primanja civilnih žrtava rata od 1. maja 1993. godine	379		
USTAVNI SUD BOSNE I HERCEGOVINE		DRUŠTVENI FOND ZA PENZIJSKO I INVALIDSKO OSIGURANJE BOSNE I HERCEGOVINE	
Odluka o utvrđivanju odredbe člana 6. alineje 2. Odluke o komunalnim djelatnostima, koju je 8. 11. 1990. godine donijela Skupština grada Sarajeva	379	Saopštenje o usklađivanju penzija i novčanih naknada sa kretanjem ličnih dohodaka u martu 1993. godine	381
Odluka o ukidanju odredbe tačke 2. Odluke G broj 21/92 od 22. 6. 1992. godine i Odluka o organiziranju i statusu jedinica poslovnih banaka - glavnih filijala na slobodnim teritorijama u vrijeme trajanja		Saopštenje o usklađivanju penzija i novčanih naknada sa kretanjem ličnih dohodaka u aprilu 1993. godine	382
		ZAVOD ZA STATISTIKU BOSNE I HERCEGOVINE	
		Saopštenje o prosječnom mjesečnom čistom ličnom/osobnom dohotku za maj/svibanj 1993. godine	383
		Koeficijenti rasta cijena i troškova života u RBiH u junu/lipnju 1993. godine	384